

ՀԱՍԱՆ-ՋԱԼԱԼՅԱՆ ԻՇԽԱՆԱԿԱՆ ՏՈՒՆԸ XV ԴԱՐՈՒՄ

Գ. Ն. ԿՐԱՍՈՍՅԱՆ

Ներքին հաշենում, XV դարում տակավին շարունակում էին իշխել Հասան-Ջալալյան իշխանական տան ներկայացուցիչները: Իշխանական տան հիմնադիր Հասան-Ջալալը սերում էր Ներքին հաշենում իշխող Վախթանգյաններից: Նա երկրի հասարակական-քաղաքական կյանքի աչքի ընկնող գործիչներից էր: Հասան-Ջալալը մեկն էր այն հայ ֆեոդալներից, որը փորձեց դիմադրել իր իշխանության սահմանները խուժած մոնղոլ հրոսակներին: Սակայն, այս շրջահայաց իշխանը, նկատի ունենալով ստեղծված բացառիկ ծանր իրավիճակը, կարողացավ ընդհանուր լեզու գտնել մոնղոլների հետ: Համաձայն Գանձակեցու, երբ մոնղոլները մտան հաշեն, Հասան-Ջալալը, գավառի բնակչության հետ, ապավինեց հոխանաբերդի պարիսպներին: Մոնղոլները պաշարեցին հոխանաբերդը, բայց երբ համոզվեցին, որ անհնար է գրավել այն, դիմեցին այլ միջոցի: Նրանք Հասան-Ջալալին առաջարկեցին հպատակվել իրենց, փոխարենը խոստանալով նրան կյանքի ապահովություն: Հասան-Ջալալը, ինչպես վկայում է Գանձակեցին, իմաստնաբար ընդունեց մոնղոլների առաջարկը և թանկարժեք ընծաներով գնաց մոնղոլ զորապետների մոտ: Մոնղոլ զորապետները լավ ընդունեցին Հասան-Ջալալին և ճանաչեցին նրան որպես Ներքին հաշենի իշխան: Իսկ Ջալալը իր հերթին պարտավորվեց իր զինական ուժերով մասնակցել մոնղոլների արշավանքներին¹:

Մոնղոլների տիրապետության առաջին շրջանում Հասան-Ջալալի իշխանությունը մտնում էր Ավագյան Թումանի մեջ, սակայն XIII դարի 50-ական թվականներին նրանից անջատվեց՝ կազմելով ռաղմա-վարչական առանձին միավոր: Հասան-Ջալալյանների ֆեոդալական տիրույթը, որպես առանձին միավոր, որոշ ժամանակ ենթարկվեց հաքանին, իսկ հետո, «Գյուրջիստանի վիլայեթի» կազմում՝ Իլխանությանը²: Մոնղոլների վարած անջատողական այս քաղաքականության նստատեղն էր թուլացնել որոշակի ուժ ներկայացնող հայ իշխաններին: Նման քաղաքականությունը ունեցավ ալն տխուր հետևանք, որ թուլացավ առանց այդ էլ արդեն թուլացած Զաքարյան ֆեոդալական իշխանությունը և չկարողացավ դիմադրավել մոնղոլների վարած ծանր հարկային քաղաքականությանը: Մոնղոլները հակամարտ ուժեր էին ստեղծում հայկական ֆեոդալական իշխանությունների միջև՝ մեկին տրամադրելով ընդդեմ մյուսի: Այդ քաղաքականության զոհերից մեկը դարձավ Հասան-Ջալալը: Մոնղոլների հետ ստեղծած խնամիական կապը, ինչպես նաև վարած ճկուն քաղաքականությունը, չփրկեցին Հասան-Ջալալին:

¹ Տե՛ս Կ ի Ր ա կ ո ս Գ ա ն ձ ա կ ե ց ի, Պատմություն հայոց, Երևան, 1961, էջ 269:

² Տե՛ս Լ. Բ ա բ ա յ ա ն, Հայաստանի սոցիալ-տնտեսական և քաղաքական պատմությունը 13—14-րդ դարերում, Երևան, 1964, էջ 235—36:

1254 թ. աշխարհագրից հետո հալածանքը շարունակվեց մի քանի հալ իշխանների նկատմամբ, որոնք փորձում էին զիմագրել Արղունի վարած դաժան հարկային քաղաքականությունը:

Չտանելով մոնղոլների հարկային ծանր լուծը, որի նպատակն էր տնտեսապես թուլացնել և քայքայել տեղական իշխանություններին, հայ և վրաց ֆեոդալների մի մեծ խումբ, Դավիթ թագավորի գլխավորությամբ, 1259—61 թթ. ապստամբեց մոնղոլների դեմ³:

Հասան-Ջալալը ևս մեղադրվում է 1259—61 թթ. հայ-վրացական ապստամբությանը մասնակցելու համար և Արղունի հրամանով զազանաբար սպանվում է Ղաղվինում: «Իսկ զբարեսպաշտ և զառաքինի իշխանն Ջալալ նեղէր անհնարին կտսնօք, բաղում հարկս պահանջելով ի նմանէ՝ առաւել քան զկարն. եղևալ փայտ ի պարանոց նորա և երկաթ յոտս նորա»⁴:

Ջալալին և հայ մյուս իշխաններին մեղադրում էր նաև Արղունի հլու կամակատար Սմբատ Օրբելյանը և աշխատում ասպարեզից հեռացնել նրանց. որովհետև լուրջ մրցակիցներ էին հզորացող Օրբելյանների ճանապարհին: Անձնական շահերի հետևից ընկած՝ նա ոտնահարում էր ամեն ինչ՝ և՛ հայրենիք. և՛ սևիական ժողովուրդ: Որ իրոք, բարձրացող Սմբատ Օրբելյանը հաշվեհարդար էր տեսնում իր մրցակից իշխանների հետ, վկայում է նաև պատմիչ Ստեփաննոս Օրբելյանը. «Եւ Սմբատ զբաղումս թշնամիս թագավորութեան նորա ի մեծամեծ զոռովանութն տայր սպանանել ի զրան արքունի»⁵: Պատճառը շատ պարզ էր. Այդ իսկ առումով, Հասան-Ջալալը իր ունեցած զիրքով ու հեղինակությամբ թերևս ամենավտանգավորն էր Օրբելյանների համար: Գանձասարի վանքի մի արձանագրության մեջ Ջալալը իրեն կոչում է «...Բնակաւոր ինքնակալ լարձր և մեծ Արցախական աշխարհին թագաւոր և յոգնասահման նահանգի»⁶: Ջալալը թագավորի տիտղոսով է պատվում նաև Մեծարինից ս. Հակոբ վանքի արձանագրության մեկում, որ թողել է Ջալալի ստորագրչալներից մեկը, վանքին հողամաս նվիրելու կապակցությամբ: «Թագաւոր Ջալալ Դաւի հրամանաւ եւ Սմբատ որդի Հեջուբին տվի էգտեղ. սոքա արասցեն ժամ»⁷: Հասան-Ջալալը մեծ հեղինակություն ուներ նաև իր իշխանության սահմաններից դուրս: Հասանը դնում է Սարթախի մոտ, որի կողմից ընդունվում է «սիրով և մեծարանօք»⁸: Ապա Հասան-Ջալալը Սարթախի առաջնորդությամբ ներկայանում է Բաթուին, որի կողմից ևս մեծ հարգանքի է արժանանում: «Եւ տարեալ առ հայրն իւր, մեծապատիւ արար և ետ ի նա զհայրենիս իւր զՉարաբերդ և զԱկնայ և զԿարկառն, զոր հանեալ էին յառաջագոյն ի նմանէ աղոյն թուրքաց և վրաց»⁹: Հուլավուայի և Բաթուի մոտ ունեցած հեղինակությունն էր պատճառը, որ Ջալալը հանդես եկավ որպես միջնորդ մոնղոլների և Կիլիկիայի Հեթում I թագավորի միջև 1254 թ. պայմանագրի կնքման գործում:

3 Նույն տեղում, էջ 272:

4 Կիրակոս Գանձակեցի, Պատմություն, էջ 390—91:

5 Ստեփանոս Օրբելյան, Պատմություն նահանգին Սիսական, Թիֆլիս, 1910, էջ 183:

6 Ս. Ջալալյան, Ճանապարհորդություն ի մեծն Հայաստան, մասն Ա, Տփլիս, 1842, էջ 183:

7 Նույն տեղում, էջ 195:

8 Տե՛ս Կ. Գանձակեցի, Պատմություն, էջ 358:

9 Նույն տեղում, էջ 392:

1261 թ. սպանված Հասան-Ջալալին փոխարինում է որդին՝ Աթաբեկը¹⁰։ Նրա մասին կցկտուր տեղեկություններ են հասել։ Դրանք մի քանի վիճական արձանագրություններ են Գանձասարի վանքում, որոնցից վերջինը վերաբերում է 1282 թ. «Ես տէր Ներսէս, Ամարասայ կաթսկոպոս, եկի մեծաւ յուսով ի սուրբ ուխտս իշխանութեամբ Աթաբակի... Չ(Ա)»¹¹։

Սկսած 1282 թ. մինչև 1383 թ. աղբյուրներում Հասան-Ջալալյանների մասին հիշատակությունների չենք հանդիպում։ Կարապետ կաթսկոպոսը իրավացիորեն դանում է, որ XIII դարի վերջերից իշխանական այս տունը թուլացել էր և նրա կալվածքներին տիրում էին Դոփյանները¹²։

Այս միտքը հաստատում են XIV—XV դարերում Դոփյանների թողած որոշ արձանագրություններ, որոնցում Դոփյան իշխաններն իրենց տեր են համարում Ակնա, Հանդաբերդի, Հաթիրբի և հաշենի այլ վայրերին։ Հարյուրամյա լուծվածից հետո, 1383 թ. սկսած, ժամանակի աղբյուրները նորից սկսում են խոսել ջալալյանների մասին։

1383 թ. մայրաքաղաքի կաթսկոպոսարանում ավետարան կազմող զրիչը, որպես հաշենի իշխան է հիշատակում Ջալալին։ «ՊԼԲ էր, մեհեկի ամսի ԻԶ. էր, որ կազմեցաւ, որ է սուրբ աւետարանս մեծ կողմանս հաշենոյ Եպիսկոպոսարանէն մայրաքաղաքէնս, իշխանութեան պարոն Ջալալին, կաթսկոպոսութեան էր Գրիգորին Գեոաքարեցին (ւոյն)»¹³։ Ծիշտ է, գրիչը մանրամասն տվյալներ չի հաղորդում պարոն Ջալալի մասին, սակայն պարզ է, որ նա XIV դարի վերջերին հաշենը կառավարող իշխանն էր։ Հավանաբար, այս Ջալալ իշխանից սկսած իշխանական տունը աստիճանաբար սկսեց հզորանալ և XV դարի երկրորդ կեսին իր քաղաքական-հասարակական գործունեութեամբ աչքի ընկնող դեր էր խաղում երկրի քաղաքական կյանքում։ Այս երկվյթի մասամբ կարելի է բացատրել նրանով, որ մոնղոլական դաժան տիրապետությանը հաջորդած Թևմուրի և ապա թուրքմեն ցեղերի աշխարհակործան արշավանքներից Արցախը, համեմատաբար, ավելի քիչ տուժեց, քան Հայաստանի մյուս շրջանները։

Ջալալյանների մասին XV դարին վերաբերող առաջին տեղեկությունը մեյ հաղորդում է Գանձասարի վանքում Ուլուբեկի թողած արձանագրությունը։ Ուլուբեկը Ջալալյան իշխանական տան շառավիղներից էր՝ Մեջլիսի որդին։ Նա 1407 թ. Գանձասարի վանքին հողամաս նվիրելու կապակցությամբ արձանագրություն է թողել, որի բովանդակությունից իմանում ենք, որ նա տվյալ ժամանակաշրջանում հաշենում իշխող Ջալալյան Ջազա իշխանի ենթականերից մեկն էր։ «Կաման Աստուծոյ ես Ուլուբէկս որդի Մեջլիսին տուի զիմ հայրենի հողն Ղուղտանոսի կտորն որ ի Վարդան Բերանացէ իւր սարհատովն ի սբ. ուխտրս Գանձասարայ իմ հոգւոյ յիշատակ, յառաջնորդութեան Մատթէոս վարդապետին եւ իշխանութեան Ջազին... ՊՄԶ թուին»¹⁴։ Ծիշտ է արձանագրու-

¹⁰ Նույն տեղում։

¹¹ Կ. Կոստանյանց, Վիճական տարեգիր, Պետերբուրգ, 1913, էջ 123, նաև Մ. Բարխուդարյան, Արցախ, Բագու, 1895, էջ 178։

¹² Տե՛ս Կարապետ Կաթսկոպոս, Նյութեր հայ մեկեղծության մասին, պրակ Բ, էջ-միածին, 1914, էջ 96։

¹³ Մ. Բարխուդարյան, Արցախ, էջ 263։

¹⁴ Շահաթուրյան, Ստորագրություն կաթողիկե էջմիածնի և հինգ զառաաց Արա-րատայ, հ. Բ, էջմիածին, 1842, էջ 374—75։

թյունում Ուլուբեկի Ջաղալին ենթարկվելու փաստը ուղղակի չի ակնարկված րաջց այն հանդամանքը, որ Ջաղան արձանագրությունում հիշատակված է որ-սլես տեղի իշխան, խորհել է տալիս, որ նա սյուզերենի իրավունք ուներ ջա-լալյան մյուս իշխանների նկատմամբ: Մակար Բարխուդարյանը իր կազմած հաշենի իշխանների ճյուղագրությունում չի հիշատակում Ջաղայի անունը: Հաթերքի Վախթանգ Բ-ին, գրում է Բարխուդարյանը, հաջորդել է որդին՝ Հա-սան Ջալալ-Տոլան, իսկ սրան՝ Աթաբեկ և Ուբան որդիները: Աթաբեկին հա-ջորդել է որդին՝ սյարուն Ջալալը, իսկ սրան էլ իր որդին՝ Աթաբեկ Բ-ն: Աթաբեկ Բ-ին հաջորդել են Աղսյաստանը, ապա Սալդունը, Հադիր Մելիքը և այլն¹⁵: Բարխուդարյանի կազմած ճյուղագրությունը կարոտ է որոշ ճշտումների և լրա-ցումների:

Այսպես, Ջալալյանների ճյուղագրությունը կազմելիս, Բարխուդարյանը չի հիշատակում 1383 թ. հաշենում իշխող Ջալալին, որի մասին արդեն խոսե-ցինք վերևում: Ջալալը իշխել է մինչև XV դարի սկիզբը, սրան, հավանաբար, փոխարինել է Ջաղա իշխանը, որը հիշատակվում է 1407 թ. Ուլուբեկի արձա-նագրությունում: Մեզ հասած փաստերը վկայում են, որ Ջաղան իշխանու-թյունը վարել է տասը տարի: Վերևում բերված արձանագրությունից իմացանք, որ 1407 թ. նա արդեն հաշենի գլխավոր իշխանն էր: Նրա մասին վերջին տե-ղեկությունը մեզ հաղորդում է Մատթեոս Մոնոպոն գրիչը, 1417 թ. Գանձա-սարի վանքում գրած իր ձեռագիր հիշատակարանում: Դառն գույներով նկա-րադրելով Հայաստանի ծանր վիճակը, նա ցավով նշում է, որ քայքայվել են հայկական ֆեոդալական իշխանությունները, երկրում տնօրինություն են անում անօրեն տիրապետողները, «...Իսկ տանս հաշենոյ բարեպաշտ ոմն կայր՝ Ջաղա անուն, այն փոխեցաւ յաստեացս, և մնացեալքն յազգէ սորին՝ Ջալալն և որդիք նորին, և որդիք Ջաղային՝ Արղութէն և Ջալալադաւէն, և եղբայրք նորին՝ էլէգումն և էլէգանն՝ են ի ներքոյ ձեռին անօրինացն. և այսպես պա-կասեալ է իշխանութիւն տանս Հայկազեան»¹⁶:

1417 թ. Ջաղայի մահից հետո իշխանությունը վարել է նրա ազգական Ջալալը, որը հիշատակվում է վերը բերած ձեռագիր հիշատակարանում: Ջա-լալը Ջաղայի մերձավոր ազգականն էր, հավանաբար, նրա հորեղբոր որդին: Նա աղղեցիկ դիրք է ունեցել Ջաղայի կենդանության օրոք, այդ իսկ պատճա-ռով նրա անունը հիշատակված է Ջաղայի հետ: Նվ քանի որ Ջաղայի եղբայր-ները, ինչպես նշում է գրիչը, գտնվում էին անօրենների ձեռքում, իսկ նրա որ-դիները, հավանաբար, անշահաճաս էին, այդ պատճառով իշխանությունն անցել է Ջալալին: Ջալալը իշխել է մինչև XV դարի 40-ական թվականները: Նրա մասին հիշատակված է նաև 1456 թ. Գետամեջ վանքում գրված մի ձեռա-գիր հիշատակարանում. «Արդ, գրեցաւ սուրբ Աւետարանս ձեռամբ մտերիմ և անընդարույս և ամենայն առաքինութեամբ զարգարեալ՝ տեսականան և գործ-նականան՝ Թովմայի կուսակրան արեգայի, ի թ(վ)ականութեանս հայկազեան տումարի Ջն (1456), ի հայրապետութեան Աղուանից նահանգի տեառն Յո-հանիսի՝ որդոյ մեծի իշխանին Հայոց պարոն Ջալալին...»¹⁷: Ջալալին հաջոր-վել էր վերականգնել իր տոհմի երբեմնի հղորությունն ու փառքը, այդ իսկ

15 Տե՛ս Մ. Բ ար խ ու դ ար յ ան, Պատմություն Աղվանից, Վաղարշապատ, 1902, հ. Ա, էջ 209:

16 «Ժն դարի հայերեն ձեռագրերի հիշատակարաններ», Երևան, 1955, մասն Ա, էջ 194:

17 Նույն տեղում, 1958, մասն Բ, էջ 66:

սլատճառով զրիչը նրան անվանում է հայոց մեծ իշխան: Այդ նույն տիտղոսով է նա մեծարված նաև 1471 թ. Գանձասարի վանքում նրա որդու թողած արձանագրությանում: «Ես Պաստամ որդի մեծին Ջալալին տվի Կունճի հողին կալէն վեր ի սուրբ ուխտս Գանձասարայ առաջնորդութեամբ տէր Ներսէսին թվ. 22»¹⁸:

Ինչպես նշում է Լ. Խաչիկյանը, Հովհաննես կաթողիկոսը Աղսլաստայի եղբայրն էր¹⁹: Հետևաբար, Աղսլաստան Ջալալի որդին է, որը և հաջորդել է իր հորը: Աղսլաստան Ջալալյան տան իշխանությունը վարել է 1443 թվականից, կամ սրանից մի փոքր առաջ: Նրա մասին առաջին տեղեկությունը մեզ տալիս է 1443 թ. Գանձասարի վանքի մի արձանագրություն, որը թողել է Ջալալի որդի տեր Վարդանը, Գանձասարին հողամաս նվիրելու առթիվ: Այնտեղ ասված է. «Ես տէր Վարդան, որդի Ջալալին, տուի Ծակ խաչին հողն ի սբ. ուխտս Գանձասարայ իշխանութեամբ Աղսլաստայ առաջնորդութեամբ տրեղիային... թուին ՊՂԲ»²⁰:

Ուստի Մ. Բարխուդարյանի այն միտքը, թե Ջալալը ունեցել է Աթաբեկ Բանունով որդի, որը և հաջորդել է նրան, անհավանական է: Տրամաբանորեն հերքվում է նաև Բարխուդարյանի այն միտքը, թե Աղսլաստան Աթաբեկ Բ-ի որդին է²¹: Աղսլաստան Հասան Ջալալյան իշխանական տան ամենաազդեցիկ իշխան Լր XV դարում: Ժամանակի աղբյուրներում նա տիտղոսավորված է «Մեծ իշխան» կոչումով: Առաջածոր գյուղի եկեղեցում գտնված մի Աստվածաշնչից Մ. Բարխուդարյանը Աղսլաստա իշխանի մասին քաղել է հետևյալ արժեքավոր վկայությունը.

«Կամաւ ամենակալին Աստուծոյ, փաթիշահութեան Ջայան (Ջհան) Շահիս Ուլու Պէկս որդի Մէջլիսին՝ թոռն մեծին Ճալալին, Ես Շահնշէս որդի Մեհրապին թոռն Արղւթինի մեր հայրենեացս մէջն խաւսք իլաւ (եղաւ) սլարոն Ուլու Պէկին թալեղ մէկ մարդ մեռաւ. Արաւայ հողին վեր, դինացինք պարոն Աղալաստսին մուտ (մօտ). երեք սահրատին վեր արին կապեց, Արաւայ հողն երեստ Ուլու պէկին, սահրատն շինեց Առաջածորաց ջուրն ու վեր գայ Յամար ձորն, ջուրն վեր գայ Յեց դրած քարերն... Այսչանք հանդ տեղ ա Շահանշին, իւր հայրենիք է, այլուն սլուն բան չկայ (այլում ոչինչ չկայ), որ այլայլում անի, այն (նա) նահլաթ լինի. այս սլամանիս կապած Եղիա եպիսկոպոս առաջնորդ Գանձասարայ վկ. Ես Յովհաննէս կաթողիկոս որդին Ջալալին, թոռն Մեծին Աթաբէկին վկ. Ես Աղսլաստի որդի Ճալալին վկ. Ես Աղէկս որդի Ճալալին վկ. Ես Միրզալիս որդի Տուրսունին վկ. Պաստամս վկ. Ես Ամիր Հասանս որդի Ճալալին վկ. թ. 26»²²:

Այս հիշատակարանը նախ հաստատում է, որ Աղսլաստան Ջալալի որդին է, իսկ Աթաբեկ Բ-ն, որին Բարխուդարյանը համարում է Ջալալի որդին, իրականում Ջալալի հայրն է: Ստորագրողներից Հովհաննես կաթողիկոսը գրում է. «Ես Յովհաննէս կաթողիկոս որդի Ջալալին, թոռն մեծին Աթաբեկին վկ.»: Ապա, որ ամենաուշագրավն է, Հասան-Ջալալյան ֆեոդալական տան անդամ-

18 Մ. Բարխուդարյան, Արցախ, էջ 178:

19 Տե՛ս Լ. Խաչիկյան, առաջաբան Ժն դարի հայերեն ձեռագրերի հիշատակարանների, Կ. Ք, էջ 69:

20 Կ. Կոստանյանց, Վիմական տարեգիր, էջ 172:

21 Տե՛ս Մ. Բարխուդարյան, Պատմություն Աղվանից, Կ. Ա, էջ 209:

22 Մ. Բարխուդարյան, Արցախ, էջ 187:

ների միջև հողի համար վեճ է առաջացել և սրվել այն աստիճան, որ նույնիսկ մարդկային զոհեր են եղել: Այս փաստը պերճախոս վկայություն է այն մասին, որ նույնիսկ այնպիսի ժամանակաշրջանում, երբ երկրում լիիրավ տիրություն էին անում անօրեն տիրապետողները, դեռևս իրեն զգացնել էր տալիս ֆեոդալական հասարակությանը հատուկ ներքին հակամարտությունը:

Այն հանգամանքը, որ վիճող կողմերը Աղպաստային են դիմել իրենց մեջ առաջացած վեճի լուծելու համար, վկայում է վերջինիս ազդեցիկ դիրքի ու հեղինակության մասին, ինչպես նաև հաստատում այն փաստը, որ Աղպաստա իշխանը Ջալալյան տան մյուս իշխանների նկատմամբ հանդես է եկել սյուզերենի իրավունքով: 1460 թ. հետո աղբյուրներում Աղպաստայի մասին հիշատակության չենք հանդիպում: Հետևաբար, կարելի է եզրակացնել, որ 1460 թ. կամ սրանից մի փոքր հետո նա մահացած պիտի լիներ:

Աղպաստային փոխարինել է որդին՝ Սայդունը, որը 1467 թ. Գանձասարի վանքին հող նվիրելու կապակցությամբ թողել է հետևյալ արձանագրությունը. «Կաման աստուծոյ ես Սայտուն որդի պարոն Աղբաստայ տուի իմ հայրենեացն զՏանձաշոր ի սբ ուխտս Գանձասարայ առաջնորդուք տր եղիային, սոքաւ տուն տարին երեք ժամ... թուիս ԶԺԶ»²³:

Սայդունի մասին սա մեղ հասած միակ գրավոր հիշատակությունն է: Այդ պատճառով էլ դժվար է որոշել, թե նա մինչև երբ էր Ջալալյան տան ղեկավոր իշխանը: Համաձայն մի ձեռագիր հիշատակարանի տվյալների, արդեն 1473 թ. խաչենում իշխում էր Սայդունի որդին՝ Վելիջանը:

«...Բայց արդ, զրեցաւ սուրբ Աւետարանս ի դաւառս խաչենաձորոյ... ի տէրութեան տեղւոյս պարոն Վելիջանին, զոր տէր աստուած ընդ երկայն աւորս արասցէ»²⁴: Վելիջանը և իր եղբայրները 1480 թ. Գանձասարի վանքին հող նվիրելու կապակցությամբ արձանագրություն են թողել: Այդ արձանագրությունը վերծանվել է երեք տարբեր թվականներով: Ջալալյանը կարդացել է՝ ԶԽ (1491)²⁵, Շահխաթունյանը՝ ԶԽԹ (1500)²⁶, իսկ Կ. Կոստանյանցը և Մ. Բարխուդարյանը՝ ԶԻԹ (1480)²⁷:

Ջալալյանը «խ» տառը շփոթել է «ի» տառի հետ և չի վերծանել «թ» տառը: Շահխաթունյանը, ճիշտ է, «թ» տառը վերծանել է, բայց նա ևս «ի»-ն շփոթել է «խ» տառի հետ: Կարծում ենք, որ Կ. Կոստանյանցը և Մ. Բարխուդարյանը ճիշտ են վերծանել: Այդ իսկ պատճառով առաջնորդվում ենք նրանց վերծանումով:

«Կաման աստուծոյ ես Վելիջան եւ եղբարքս իմ, որդիք Սայտունին, թոռն մեծին Աղպաստու տերաք խաչենու տուաք Ալմանայ իւր Դ. սահմանան ի սուրբ ուխտս Գանձասարայ առաջնորդութեամբ տէր Ներսէսի թվ ԶԶԹ»²⁸: Այն փաստը, որ արձանագրությունում հիշատակված է միայն Վելիջանի անու-

23 Կ. Կոստանյանց, Վիմական տարեգիր, էջ 173, նաև Շահխաթունյան, Ստորագրություն, հ. Բ, էջ 375:

24 «ԺԵ դարի հայերեն ձեռագրերի հիշատակարաններ», մասն Բ, էջ 344:

25 Տե՛ս Մ. Ջալալյան, նշված աշխատությունը, հ. Ա, էջ 187:

26 Տե՛ս Շահխաթունյան, Ստորագրություն, հ. Բ, էջ 375:

27 Տե՛ս Կ. Կոստանյանց, Վիմական տարեգիր, էջ 174, նաև Մ. Բարխուդարյան, Արցախ, էջ 19:

28 Կ. Կոստանյանց, Վիմական տարեգիր, էջ 174, Մ. Բարխուդարյան, Արցախ, էջ 179:

նր և այն էլ առաջինը, վկայում է այն մասին, որ Վելիջանը Ջալալյան տան ղլխավոր իշխանն էր: Մակար Բարխուդարյանը Ջալալյան տոհմի ճյուղագրությունում չի հիշատակում Վելիջանին: Նա Վելիջան-Բեկ Ա անունով իշխան է հիշատակում XVI դարի երկրորդ կեսի համար, որը Հատիր Մելիքի ծոռն էր²⁹: Հասկանալի է, որ այս Վելիջան-Բեկ Ա-ն կապ չունի XV դարում ապրած Վելիջանի հետ: Ուրեմն, Սալգունին հաջորդել է ոչ թե Հատիր Մելիքը, ինչպես գրում է Բարխուդարյանը, այլ՝ Վելիջանը: Թե մինչև երբ Վելիջանը վարեց իշխանությունը դժվար է ասել, քանի որ 1480 թ. հետո նրա մասին աղբյուրներում հիշատակություն չկա: 1493 թ. Գանձասարին հողամաս նվիրելու մասին արձանագրություն է թողել Ջալալյան Տուրսուն իշխանը. «Ես Տուրսունս, թոռն մեծին Ջալալին, տու Մսրսին հողն ի սբ ուխտս Գանձասարայ առաջնորդութեամբ տն ներսէսին ... ԶԽԲ թուին»³⁰:

Այդ նույն թվականին Գանձասարին հողամաս են նվիրել Ջալալյան Աթաբեկի որդիները՝ Այսինը և Խմշենը³¹: Իրենց թողած արձանագրություններում ոչ Տուրսունը և ոչ էլ Այսին ու Խմշեն Վելիջանի անունը չեն հիշատակում: Կարծում ենք, որ 1493 թ. նա արդեն մահացած էր: Ըստ Մ. Բարխուդարյանի՝ XV դ. վերջին Ջալալյան տան իշխանությունը վարում էր Մելիքը: Մելիքը Վելիջանի փոքր եղբայրն էր, ուրեմն հենց նա էլ հաջորդել է իր եղբորը: Տեսանք, որ Վելիջանը իր թողած արձանագրությունում իրեն և իր եղբայրներին համարում է հաշնի տերեր, որոնցից մեկը Մելիքն էր, որը և XV դարի վերջին վարում էր իշխանությունը:

1499 թ. Մելիքը Գանձասարի վանքում արձանագրել է տվել հետևյալը. «Ես, Մելիքս, որդի Սալտունին, թոռն մեծին Աղապատու, տուի շուրջառ, սկիհ... Կակաշանց, Փտուռանց, Ծաղկավանց երկու ստակ գնեցի, տու ի սբ ուխտս Գանձասարայ... թուին ԶԽԸ»³²:

Մելիքը իշխանությունը վարել է մինչև XVI դարի առաջին քառորդը: Նա պատմությանը հայտնի է Հատիր-Մելիք անունով: Սրա որդին էր Աղվանից Սարգիս կաթողիկոսը, որը 1556 թ. Գանձասարի վանքին կալվածքներ նվիրելու կապակցությամբ թողել է արձանագրություն. «Թուին ԶԽԵ... Ես Սարգիս որդի Հատիր Մելիքին, թոռն մեծին Սալտունին գնեցի զհայրենիքն ի Կասարայ դ. ստակն մինակ տան, Դ. ստակ ու կէսն, Առատունոյ Բ. ստակն, Կոռաշանայ Դ. ստակն տվի սուրբ ուխտս Գանձասարայ»³³:

Հասան-Ջալալյան իշխանական տան ներկայացուցիչները իրենց մենաշնորհն էին դարձրել նաև գավառի հոգևոր իշխանությունը: Աշխարհիկ ֆեոդալների վերադգեստավորումը կրոնավորի զգեստով, որը հատուկ էր Հայաստանի ողջ ֆեոդալական տներին, իր շրջապատույթի մեջ էր առել նաև Հասան-Ջալալյան ֆեոդալական տան իշխանագույններին: Այսպես, XV դարի 20—30-ական թվականներին իշխող պարոն Ջալալի որդիներից Հովհաննեսը Աղվանից կաթողիկոսն էր, իսկ նրա մյուս որդին՝ տեր Վարդանը Գանձասարի վանքի առաջնորդը: XV դարի վերջում իշխող Հատիր Մելիքի որդին՝ Սարգիսը

29 Տե՛ս Մ. Բարխուդարյան, Պատմություն աղվանից, էջ 209:

30 Կ. Կոստանյանց, Վիմական տարեգիր, էջ 124, նաև Շաշխաթունյան, Ստորագրություն, էջ 375, Բարխուդարյան, Արցախ, էջ 178:

31 Կ. Կոստանյանց, Վիմական տարեգիր, էջ 175:

32 Նույն տեղում:

33 Նույն տեղում, էջ 177, Մ. Բարխուդարյան, Արցախ, էջ 177:

ևս Աղվանից կաթողիկոսն էր: Չպետք է կասկածել, որ ինչպես Գանձասարի. այնպես էլ Ջալալյանների իշխանության մեջ գտնվող մյուս վանքերի վանահայրերը Ջալալյան ծագում ունեին: Խոսելով ժն դարում նվիրատվության ձևերի մասին, Հ. Փափաղյանը գտնում է, որ նույն ֆեոդալական տնից որևէ հոգևորական իր ազգակից աշխարհիկ ֆեոդալներից գնում էր կալվածքներ և նվիրում վանքին, միաժամանակ կտակում, որ իր մահից հետո վանքի տնօրենի պաշտոնը ստանձնի իր մերձավորներից որևէ մեկը:

Այդ բանը, շարունակում է իր միտքը Հ. Փափաղյանը, մենք տեսնում ենք Գանձասարի կաթողիկոսների մոտ, Տաթևում, Աղթամարում և Հավուց Թառի Ամենափրկիչ վանքում³⁴: Այդպես էին վարվում նաև Դոփյան, Պոռչյան և Ալիդրեկյան իշխանական տների հոգևոր առաջնորդները:

Շատ հաճախ Գանձասարի կաթողիկոսները ավելի ազդեցիկ դիրք ու կշիռ ունեին երկրի քաղաքական կյանքում, քան ուրոշ աշխարհիկ իշխաններ: Այդ կարելի է բացատրել նրանով, որ հոգևորականությունը ընդհանրապես, իսկ բարձրաստիճան հոգևորականները մասնավորապես, հովանավորվում էին թուրքմեն տիրապետողների կողմից: «Փոշիացող հայ ֆեոդալ իշխանությունների փոխարեն թուրքմեն իշխողների ժամանակ նշանակալի հեղինակություն է ձևավորվում հայ եկեղեցական հիերարխիան»³⁵, գրում է Աշոտ Հովհաննիսյանը: Այս իսկ պատճառով Ջալալյան տան աշխարհիկ ֆեոդալներն իրենց տիրույթները նվաճողների հափշտակումից փրկելու նպատակով նվիրում կամ վաճառում էին վանքերին, կամ էլ հանձնում իրենց ազգակից վանական առաջնորդների հսկողությանը:

Գանձասարի կաթողիկոսների իրավունքները երբեմն օրենքի ուժ էին ստանում թուրքմեն սուլթանների, կամ նրանց մերձավորների կողմից տրված հրովարտականքով:

1462 թ. օգոստոսի 6-ի իր հրովարտակով Ջահանշահի կին Բեգում-խաթունը հաստատում է Գանձասարի Հովհաննես կաթողիկոսի իրավունքները: Նա հրամայում է թուրքմեն պաշտոնյաներին, որ շահանգստացնեն Հովհաննես կաթողիկոսին և նրան ենթակա հոգևորականներին, նրանց ազատեն հարկերից և ցույց տան ամեն տեսակի օժանդակություն: Հրովարտակում ուշագրավ է այն միտքը, որ Աղվանքի ողջ հայությունը Հովհաննես կաթողիկոսին պետք է ճանաչի որպես առաջնորդ ու ղեկավար: Ոչ ոք իրավունք չունի նրան ընդդիմանալու և ոչ էլ միջամտելու նրա գործերին³⁶: Մեկ այլ հրովարտակ տրված է Յաղուբի կողմից 1478 թ. ապրիլի 24-ին Գանձասարի Շմավոն կաթողիկոսին³⁷: Ինչպես իր նախորդները, այնպես էլ Յաղուբը ճանաչում է կաթողիկոսի իրավունքները և հրամայում է տեղի մեկիքներին, դարուղաներին և քեղխուղաներին, որ Գանձասարի վանքից, ինչպես նաև հոգևորականներից հարկեր չգանձեն, իսկ զինվորական առաջնորդներին՝ որ զինվորները չիջանեն վանքապատկան կալվածքներում և չպահանջեն սնունդ՝ իրենց և կեր՝ ձիերի համար:

34 ՏՅՄ Հ. Փափաղյան, Մատենադարանի պարսկերեն հրովարտականքը, պրակ առաջին, Երևան, 1956, էջ 26:

35 Աշ. Հովհաննիսյան, Դավազներ հայ ազատագրական մտքի պատմության, գիրք առաջին, Երևան, 1957, էջ 429:

36 ՏՅՄ Հ. Փափաղյան, նշված աշխատությունը, էջ 47—48:

37 Նույն տեղում, էջ 50—52:

Յաղութի հրամանով ողջ Աղվանքի բնակչությունը Շմալոն կաթողիկոսին պետք է ճանաչեր առաջնորդ և հեթարկվեր նրան: Հովհաննես և Շմալոն կաթողիկոսներն այն պարոն-տերերից էին, որոնք օգտվելով թուրքմեն փատիշահերի բարձր հովանավորությունից, նվիրատվությունների, գնումների և այլ միջոցներով տեր էին դարձել հսկայական հողային տարածությունների. իսկ այդ հողերը մշակելու համար անհրաժեշտ էր աշխատող ուժ և միջոցներ:

Այսպիսով, Հասան-Ջալալյան իշխանական տունը XV դ. իր ձեռքն էր կենտրոնացրել հաշենի հողերը և աշխարհիկ իշխանությունը: Եթե դարի սկզբին իշխանական այս տունը թույլ էր, ապա դարի երկրորդ կեսից հզորացավ այն աստիճան, որ իր հարեան Դովյան ֆեոդալական տան նկատմամբ ունեցավ սյուզերենի իրավունք: Եթե հայկական մյուս ֆեոդալական տները քայքայվելով՝ XV—XVI դարերում անհետացան պատմության թատերաբեմից՝ իրենց տեղը դիջելով ռազմաքոչվորական աղնվականությանը, ապա Հասան-Ջալալյանները դոյատևեցին մինչև XX դարը և նրանց հոգևոր ու աշխարհիկ առաջնորդներից մի քանիսը մեծ դեր խաղացին հայկական ազգային-ազատագրական շարժումների կազմակերպման գործում:

КНЯЖЕСКИЙ РОД ГАСАН-ДЖАЛАЛЯНОВ В XV ВЕКЕ

Г. Е. КИРАКОСЯН

Р е з ю м е

Гасан-Джалал—основоположник княжеского дома Гасан-Джалальянов,— происходил из княжеского рода Вахтангянов в Нижнем Хачене. В 1261 г., после убийства Джалала, этот род стал ослабевать и с конца XIII до конца XIV века не играл активной роли в политической жизни страны. В XV веке сведения об этом роде встречаются чаще. Во второй половине века представители этого княжеского рода укрепили свое положение и стали играть более активную роль в общественной и политической жизни области. Представители княжеского рода Гасан-Джалальянов забрали в свои руки также духовную власть. Так, сын властвующего в 20—30 гг. Джалала Ованес был католикосом Агвана.